

四庫未收書

南海百詠一卷

阮元擘經室外集

宋方信孺撰信孺字孚若莆田人以蔭補官
開禧中假朝奉郎使金三往返歷淮東轉運
判官知真州至廣西漕所著有好菴游戲詩
境集未見是編乃其官番禺漫尉時所作取
南海古迹每一事為七言絕句一首每題之
下各記其顛末注云多記五代南漢劉氏事
所引沈懷遠南越志鄭熊番禺雜志近多不

傳屬鶚宋詩紀事載劉后村序信孺詩文云
宮羽協諧經緯麗密于此亦足見其一斑矣

南海百詠序

境以詩名在在皆詩也境之近遠則東日下西王母
南北戶北觚竹不足以喻其垠岸而南海百詠又特
其境之寓者耳詩境方君來尉番山剡苔剔蘚訪秦
漢以來數百年莽蒼之迹可攷者百而綴以詩可見
胸中之磊落使其乘飛廉憑豐隆翱翔乎氛埃之上
登崑崙絕頂凌閭闔扣玉壺憩轡乎扶桑之根以觀
日之所出方壺員嶠橫陳浩蕩壯麗商皇絡其來御
下視齊州不啻紅塵九點則境中之詩又可勝紀耶

籍當作籍

莆田葉孝錫於是特書其百篇之首時 今上窮耕
籍田之明年三月既望

南海百詠

甘泉江氏所藏影鈔元本

番禺漫尉莆田方信孺孚若撰

番山

番禺二山也

山海經作賁禺

今在州學之後者止餘

一大磐石有亭榜以番山而禺山則漫不可

攷按番禺志云番山在北禺山在南國初前

攝南海簿鄭熊所作番禺雜志云番山在城

中東北隅禺山在南二百許步兩山舊相聯

屬劉龔鑿平之

龔魚檢切又丁鑑古田二切劉氏所謂高祖始霸南漢者

也龔字乃就番積石為朝元洞後更名為清
其自撰

虛洞而以沉香為臺觀於禺山之上至圖經
則謂番山在今府學後禺山在清海軍樓雉
堞下是番在南而禺在北矣又元祐間林斐
作兼山樓記亦謂番山在通判南廳之後禺
山在州廨治事廳之東紹聖間章案作移學
記亦以為學在番山之前是皆與今說同然
番禺志古書也熊為潘美客當時猶親見亭
觀之舊宜以此二說為正況漕司貢院之東

有神祠至今尚以清虛洞為榜故老亦以名
其地雖番山所在或治事廳東或清海軍樓
下皆未可知而州學後者禺山無疑矣

城根片石久模糊圖記應須考國初欲識番山真面
目至今東北號清虛

禺山

禺山何事作番山空有陂陀迹已漫今日升堂聽絲
竹沉香不見舊闌干

任囂城

番禺雜志云在今城東二百步小城也始囂
所理後呼東城今為鹽倉即舊番禺縣也以
今攷之東城即其地熙寧間呂居簡為帥因
其遺址而築之見於郊廛之記圖經乃以子
城為古之東城且引番禺志以為任囂所理
殊不知番禺縣國初時尚在今城東之紫泥
港所以番禺雜志謂今番禺為舊縣也若以
子城為是則安有舊縣在其中乎沈懷遠南
越志云尉任囂疾篤知己子不肖不堪付以

後事遂召龍川令趙陀謂之曰秦室喪亂未有真主吾觀天文五星聚於東井知南越偏霸之象故召陀授以權柄云按任囂於秦末時為南海郡尉五星自是漢家符忍死任囂亦太愚今日朝臺猶百尺荒城不記舊規模

三城

子城與東西二城也子城乃慶歷四年魏公瓘以得古磚有委於鬼工之字遂築之後儂智高來寇望城堅不得逞而去東城乃熙寧

初呂居簡所請轉運使王靖所築西城則程
師孟經始於熙寧四年

三城不斷鬱相望千里長江勢渺茫蠻獠傳聞亦膽
破從知嶺外有金湯

清海軍樓

元符二年柯公述所創折公彥質重建於紹
興二十年近歲又一再作新矣

睥睨旁圍百尺樓
輦飛縹緲接雲浮
鯨波不動海山
碧彈壓東南十四州

五仙觀

在郡治西其先有五仙人各執穀穗一莖六
出乘羊而至衣與羊各異色如五方既遺穗
與州人忽騰空而去羊化為石州人因其地
為祠石今尚存或云吳滕脩時或云趙院時
或云郭璞遷城時俱未詳

蹠躡天上五仙人羊駕何年到海濱晉漢相傳半無
有觀中遺石自輪囷

廣平堂

宋廣平都督廣州越俗始知棟宇張燕公嘗
為遺愛碑

撒茅易瓦利無窮盡種甘棠比召公大手斷碑何處
覓典型猶見此堂中

石屏堂

在郡城西蔣公之奇所建其下有池百餘步
列石甚富劉氏所謂明月峽玉液池是也南
北舊有含珠亭紫雲閣每歲端午令宮人競
渡其間

月峽旁通玉液池綵舟爭勝出宮閨荒臺今日人相
問野草無言日自西

十賢祠

在郡治之城上前太守常以吳隱之宋璟李
尚隱盧渙李勉孔戣盧鈞蕭昉為八賢薪頴
叔復以滕脩王綝益之為十賢祠自作序贊
列名刻石別有八賢祠蓋潘美向敏中余靖
魏瓘邵昱陳世卿陳從易張頡也乃連帥周
自強所立

晉唐相望已千年香火如今數十賢
不見古人空再拜祠堂西去有貧泉

鐵柱

野史云銀鑄鐵柱十二築乾和殿
今府之治事廳尚植其四柯公述所致也
二者猶見於相安亭濠水中餘不知所在

崔嵬十二峙乾和五柱何如馬伏波
敗塹顏垣今日見想曾荆棘漢銅駝

藥洲

在子城之西北漕臺之北界舊居水中積石
如林今西偏壅塞水尚渚其東幾百餘丈空
城而導于海綠淨如染圖經云偽劉聚方士
習丹鼎之地南征錄亦謂是時有方士投丸
藥於其中水色立變藥洲圖序乃以為葛稚
川嘗煉丹於此非也

沙邱遺臭茂陵空何物能成九轉功地下劉郎猶有
媿駕言聊作葛仙翁

九曜石

在藥洲水中圖經云石太湖舊產也偽劉時
有富民負罪者每運寘此以自贖遂成勝景
云
九峯參立倚空明好事傳聞應列星運石早知能贖
罪上書何必待緹縈

越樓

樓在闌闌中輪囷為一郡之壯觀昔名共樂
樓程師孟有詩

真珠市擁碧扶闌十萬人家着眼看獨恨登臨最高

處舉頭猶不見長安

南濠

在共樂樓下限以閤門與潮上下蓋古西澳也景德中高紳所闢維舟於是者無風波恐民常歌之其後開塞不常

經營猶記舊歌謠來往舟人趁海潮風物眼前何所似揚州二十四紅橋

法性寺

劉氏時為乾亨寺後復舊名今為報恩光孝